

Credyd Pensiwn

A wyf yn
gymwys a faint
gallwn ei gael?

Ebrill 2012

Cynnwys

- 3 Beth yw Credyd Pensiwn?
- 3 Pryd y gallaf wneud cais?
- 6 Credyd Pensiwn i gyplau
- 7 Sut rydym yn gweithio allan faint y gallech ei gael
- 9 Faint allwn i ei gael?
- 10 Cyfrifiannell cyflym
- 14 Enghreifftiau
- 16 Sut rydwyf i'n cael fy arian?
- 17 Sut ydwyf yn gwneud cais?
- 18 Am ragor o wybodaeth

I wneud cais am Gredyd Pensiwn



Ffôn **0800 99 1234**
Ffôn testun **0800 169 0133**

Dydd Llun i ddydd Gwener 8am i 8pm
Mae galwadau o linellau daear BT am ddim,
ond gallai cyfraddau cwmnïau a ffonau
symudol eraill amrywio.



Cewch wybod mwy yn
www.direct.gov.uk/pensiynau

Beth yw Credyd Pensiwn?

Taliad di-dreth i bobl sy'n byw ym Mhrydain Fawr yw Credyd Pensiwn. Mae hyn yn golygu Cymru, Lloegr neu'r Alban. Efallai y gallwch gael Credyd Pensiwn p'un ai ydych wedi talu cyfraniadau Yswiriant Gwladol ai peidio.

Mae dwy ran i'r Credyd Pensiwn: Credyd Gwarantedig a Chredyd Cynilo. Efallai y gallwch gael un rhan neu'r ddau.

- Mae **Credyd Gwarantedig** yn ychwanegu at eich incwm wythnosol i isafswm gwarantedig os ydych wedi cyrraedd yr oedran cymhwyso Credyd Pensiwn.
- Mae **Credyd Cynilo** i bobl sydd wedi cynilo rhywfaint o arian ar gyfer eu hymddeoliad fel pensiwn. Efallai y gallwch ei gael os ydych yn 65 neu'n hŷn.

Gallech gael Credyd Pensiwn hyd yn oed os:

- rydych yn byw gyda'ch teulu sydd wedi tyfu i fyny
- rydych yn berchen ar eich cartref eich hun, neu
- rydych yn cael arian gan ffrindiau, teulu neu elusennau.

Pryd y gallaf wneud cais?

Y cynharaf y gallwch wneud cais yw pedwar mis cyn y byddwch yn cyrraedd yr oedran cymhwyso. Gallwch wneud cais ar unrhyw adeg ar ôl hynny, ond mae'n werth gwneud cyn gynted â phosibl.

Ni all Credyd Pensiwn ddechrau cyn i chi gyrraedd yr oedran cymhwyso. Ond os byddwch yn gwneud cais yn hwyrach, dim ond hyd at dri mis y gallwn ôl-ddyddio Credyd Pensiwn.

4 Credyd Pensiwn

Mae'r oedran y gallwch wneud cais am Gredyd Pensiwn yn codi'n raddol i 66 yn unol â'r cynnydd mewn oedran Pensiwn y Wladwriaeth i ferched i 65 a'r cynnydd pellach i 66 i ferched a dynion.

I gael gwybod y dyddiad y byddwch yn cyrraedd yr oedran cymhwyso Credyd Pensiwn, gweler y tabl isod, neu ewch i'r cyfrifiannell oedran Pensiwn y Wladwriaeth yn

www.direct.gov.uk/spacalculator

Eich dyddiad geni	Dyddiad y gallech gael Credyd Pensiwn
Cyn 5 Ebrill 1951	Nawr
6 Ebrill i 5 Mai 1951	6 Mai 2012
6 Mai i 5 Mehefin 1951	6 Gorffennaf 2012
6 Mehefin i 5 Gorffennaf 1951	6 Medi 2012
6 Gorffennaf i 5 Awst 1951	6 Tachwedd 2012
6 Awst i 5 Medi 1951	6 Ionawr 2013
6 Medi i 5 Tachwedd 1951	6 Mawrth 2013
6 Hydref i 5 Tachwedd 1951	6 Mai 2013
6 Tachwedd i 5 Rhagfyr 1951	6 Gorffennaf 2013
6 Rhagfyr i 5 Ionawr 1952	6 Medi 2013
6 Ionawr i 5 Chwefror 1952	6 Tachwedd 2013
6 Chwefror i 5 Mawrth 1952	6 Ionawr 2014

Os ganwyd chi ar ôl y dyddiadau hyn gallwch gael hyd i'r dyddiad y byddwch yn cyrraedd yr oedran cymhwyso Credyd Pensiwn yn

www.direct.gov.uk/spacalculator

Ni chefais Gredyd Pensiwn pan wnes i gais amdano o'r blaen. A allaf wneud cais eto?

Gallwch, os yw eich amgylchiadau neu'r cyfraddau budd-dal wedi newid, efallai y cewch Gredyd Pensiwn nawr. Os ydych yn credu eich bod yn gymwys, peidiwch ag oedi gwneud cais.

I wneud cais am Gredyd Pensiwn



Ffôn **0800 99 1234**

Os byddwch yn gwneud cais am Gredyd Pensiwn, efallai y gallwn eich helpu i wneud cais am Fudd-dal Tai a Budd-dal Treth Cyngor ar yr un pryd. Os bydd gennych hawl iddo, gellir ôl-ddyddio eich cais o ddyddiad hyd at dri mis cyn i chi wneud cais.

Dim ond ag un person y bydd yn rhaid i chi siarad â, a dim ond unwaith y bydd angen i chi roi eich manylion. (i gael gwybod pa wybodaeth y byddwch angen ei roi, gweler tudalen 17).

Allaf wneud cais os wyf wedi dod o dramor?

Pan fyddwch yn gwneud cais, rhaid i chi fod yn byw ym Mhrydain Fawr. Os ydych wedi ymgartrefu yma o dramor mae hynny'n cyfrif fel byw yma. Ni allwch fod yn 'destun i reolaeth mewnfudo'; hynny yw, ni ddylai unrhyw gyfyngiadau fod a fyddai'n eich stopio i dderbyn help ariannol gan y Wladwriaeth. Byddwch hefyd angen pasio'r prawf preswylfa. Mae rhai eithriadau i'r rheolau hyn.

Os ydych yn ansicr am unrhyw beth, gofynnwch i ni.

A allaf fynd dramor a pharhau i gael fy Nghredyd Pensiwn?

Efallai y byddwn yn talu Credyd Pensiwn am hyd at 13 wythnos dra eich bod dramor dros dro. Os byddwch yn mynd dramor i gael triniaeth feddygol o dan y GIG, gallwn barhau i dalu Credyd Pensiwn cyhyd ag y byddwch yn cael triniaeth feddygol.

Fodd bynnag dylech ddweud wrthym os ewch dramor am unrhyw reswm o gwbl. Mae hyn yn cynnwys os ewch i Ogledd Iwerddon, Ynys Manaw neu Ynysoedd y Sianel.

A allaf gael Credyd Pensiwn os byddaf yn byw mewn cartref gofal?

Efallai y gallwch gael Credyd Pensiwn os ydych yn byw mewn cartref gofal ond mae'n rhaid i chi wneud cais a bod â hawl iddo.

Beth os byddaf yn yr ysbyty?

Efallai y gallwch barhau i gael Credyd Pensiwn os ydych yn yr ysbyty.

Credyd Pensiwn i gyplau

Os oes gennych bartner, bydd y swm a gewch yn dibynnu ar eich incwm a'ch cyfalaf (cynilion a buddsoddiadau) chi a'ch partner ar y cyd.

Os mai dim ond un ohonoch sydd wedi cyrraedd yr oedran cymhwyso (gweler tudalen 4), gallwch wneud cais o hyd. Mae'n rhaid i'r person sydd wedi cyrraedd yr oedran cymhwyso wneud y cais. Os ydy'r ddau ohonoch wedi cyrraedd yr oedran cymhwyso, gall y naill neu'r llall ohonoch wneud cais.

Dim ond un ohonoch a all gael Credyd Pensiwn ar yr un amser. Mae'n cael ei dalu am y ddau ohonoch. Gallwn eich helpu i benderfynu pwy ddylai wneud cais.

Byddwn yn eich trin fel cwpl os ydych yn byw gyda'ch gŵr, gwraig neu bartner sifil neu os rydych yn byw gyda rhywun fel pe baent yn ŵr, gwraig neu bartner sifil i chi. Rydym yn galw'r person arall yn bartner.

Fodd bynnag, os yw eich partner yn destun i reolaeth mewnfudo ni fyddant yn cael eu cynnwys yn eich cais.

Sut rydym yn gweithio allan faint y gallech ei gael

Cam 1

Yn gyntaf rydym yn adio eich holl incwm wythnosol ar ôl treth, fel:

- pensiynau (yn cynnwys Pensiwn y Wladwriaeth, pensiwn gwaith neu bersonol, taliadau Cynllun Cymorth Ariannol neu daliadau Cronfa Diogelwch Pensiwn)
- rhai budd-daliadau, a
- enillion o swydd.

Nid ydym yn cyfri mathau penodol o incwm. Mae'r rhain yn cynnwys Lwfans Gweini, Lwfans Byw i'r Anabl, Budd-dal Tai, neu Fudd-dal Treth Cyngor.

Anwybyddir y £5 gyntaf o enillion o waith mewn rhan fwyaf o achosion. I gyplau, anwybyddir y £10 gyntaf o enillion ar y cyd.

Cam 2

Yna rydym yn adio unrhyw gynilion (a buddsoddiadau) sydd gennych, yn cynnwys:

- arian mewn banc, cymdeithas adeiladu neu gyfrif Swyddfa'r Post
- cynilion wedi eu cadw gartref
- Tystysgrifau Cynilion Cenedlaethol a Bondiau Premiwm
- ISAs a PEPs, cyfranddaliadau ac unedau ymddiriedolaeth

8 Credyd Pensiwn

- bondiau incwm, bondiau cyfalaf neu Fondiau Gwarantedig Cynilion Cenedlaethol Pensiynwr (a elwir hefyd yn 'bondiau pensiynwr' a 'bondiau nain'), a
- gwerth o unrhyw eiddo a thir rydych yn berchen arnynt, ar wahân i ble rydych yn byw.

Cam 3

Rydym yn anwybyddu'r £10,000 cyntaf o'ch cynilion (a buddsoddiadau) Am bob £500 uwchben hyn (neu ran o £500), rydym yn adio £1 i'ch ffigwr incwm wythnosol.

Enghraifft:

Swm y cynilion	=	£10,800
----------------	---	----------------

Swm uwchben y terfyn	=	£800
----------------------	---	-------------

Nifer o £500 (neu ran)	=	2
------------------------	---	----------

Rydym yn adio **£2** i'ch incwm wythnosol.

Cam 4

Y swm rydym yn edrych arno yw eich incwm wythnosol, ac unrhyw beth rydym yn adio oherwydd eich cynilion. Os yw hyn yn is na'r isafswm a restrir ar dudalen 9, efallai cewch Gredyd Pensiwn i ychwanegu at eich incwm wythnosol i'r isafswm.

Faint allwn i ei gael?

Mae swm y Credyd Pensiwn a gewch y dibynnu ar faint o arian sydd gennych yn dod i mewn bob wythnos, a faint rydych wedi'i gynilo neu ei fuddsoddi. Os oes gennych bartner, byddwn yn ychwanegu eich incwm a'ch cyfalaf chi a chyfalaf eich partner wrth weithio allan eich Credyd Pensiwn.

Efallai y gallwch gael un o'r ddau ran neu'r ddau.

Y Credyd Gwarantedig

Mae'r Credyd Gwarantedig yn ychwanegu at eich incwm wythnosol i isafswm. Os ydych chi wedi cyrraedd yr oedran cymhwys mae'n debygol y cewch Credyd Gwarantedig os bydd yr arian sydd gennych yn dod i mewn yn llai na:

- **£142.70** yr wythnos os ydych yn sengl, neu
- **£217.90** os oes gennych bartner.

Y Credyd Cynilo

Efallai byddwch yn cael y Credyd Cynilo os ydych chi neu'ch partner yn 65 oed neu drosodd. Mae hynny os ydych wedi cynilo rhywfaint o arian tuag at eich ymddeoliad, fel ail bensiwn neu gynilion.

Efallai y gallech gael y Credyd Cynilo o hyd os yw'r arian sydd gennych yn dod i mewn hyd at tua:

- **£189** yr wythnos os ydych yn sengl, neu
- **£277** os oes gennych bartner.

Gallai'r symiau i'r ddwy ran fod yn uwch os rydych chi neu'ch partner (neu'r ddau ohonoch):

- gydag anabledd difrifol
- yn gofalu am berson sy'n ddifrifol anabl, neu
- gyda chostau tai penodol, fel taliadau llog morgais.

Os ydych yn drethdalwr hunanasesu

Os ydych yn penderfynu gwneud cais am Gredyd Pensiwn ac rydych yn drethdalwr hunanasesu, dywedwch wrthym faint o Dreth Incwm y byddwch yn ei dalu neu'n disgwyl i'w dalu, am y flwyddyn dreth gyfredol. Rydym angen gwybod hyn oherwydd bod Credyd Pensiwn yn cymryd i ystyriaeth eich incwm net ar ôl treth, yn cynnwys unrhyw dreth ar eich Pensiwn y Wladwriaeth.

Mae dweud wrthym am eich treth yn ein helpu i sicrhau eich bod yn cael y swm cywir o Gredyd Pensiwn a gallai hyn hyd yn oed olygu eich bod yn cael mwy.

Gallwch gael rhagor o wybodaeth am Dreth Incwm yn



www.hmrc.gov.uk

neu drwy ffonio'r swyddfa dreth. Mae'r rhif yn y llyfr ffôn.

Cyfrifiannell cyflym

I weithio allan os ydych yn debygol o gael Credyd Pensiwn, llenwch y tabl isod yn gyntaf.

Fy incwm wythnosol (ar ôl treth) £

Fy nghynilion a buddsoddiadau £

Dewiswch un o'r siartiau ar dudalen 12 a 13, yn ddibynnol ar eich oed a ph'un ai os ydych yn sengl neu'n gwpl. Mae gan bob siart symiau incwm o'r chwith i'r dde, a symiau cynilion o'r brig i'r gwaelod.

Os yw'r llinell ar y siart ar gyfer eich symiau yn uno yn y maes sydd wedi'i lliwio, efallai gallwch gael Credyd Pensiwn. Hyd yn oed os yw'r llinellau yn uno y tu allan i'r maes sydd wedi'i lliwio, mae'n werth cysylltu â ni o hyd ynglŷn â p'un ai i wneud cais am Gredyd Pensiwn.

Dyma enghraifft o sut mae'r siartiau'n gweithio.

Gan dybio eich bod yn berson sengl ac o dan 65 gyda:

- Pensiwn y Wladwriaeth a phensiwn preifat sy'n dod i gyfanswm o £110 yr wythnos, a
- cynilion o £12,000.

Bydd angen i chi:



- edrych am **£110** ar hyd y gwaelod
- edrych am **£12,000** i lawr yr ochr, a
- canfod ble mae'r ddwy linell sy'n uno'r ffigyrau hyn yn cwrdd ar y siart.

Mae'r llinellau hyn yn cwrdd y tu mewn i'r maes sydd wedi'i lliwio, felly byddwch yn debygol o gael Credyd Pensiwn.

Canllaw rhwydd yn unig yw'r siartiau hyn. Os ydych yn ofalwr, neu os oes gennych anabledd difrifol, neu gostau tai ychwanegol fel morgais, dylech gysylltu â ni i gael gwybod os gallech gael Credyd Pensiwn.


12 Credyd Pensiwn

Siartiau ar gyfer pobl o dan 65 oed




Siartiau ar gyfer pobl sy'n 65 oed a throsodd

Person sengl



Cwpl



14 Credyd Pensiwn

Enghreifftiau

Mae’r enghreifftiau hyn yn dangos faint o Gredyd Pensiwn y gallai gwahanol bobl ei gael. Y cyfraddau a ddefnyddir yn yr enghreifftiau yw:

Swm safonol	Person sengl	£142.70
	Cwpl	£217.90
Man cychwyn	Person sengl	£111.80
Credyd Cynilo	Cwpl	£178.35
Credyd Cynilo	Person sengl	Hyd at £18.54
	Cwpl	Hyd at £23.73

Jackie

Mae Jackie yn 62 oed ac yn berchen ei thŷ ei hun. Mae’n cael Pensiwn y Wladwriaeth o £107.45 yr wythnos ac nid oes ganddi unrhyw incwm arall. Mae ganddi gynilion o £5,000.

Caiff Jackie Gredyd Gwarantedig o £35.25 yr wythnos, gan ddod â chyfanswm ei hincwm wythnosol i £142.70. Rydym yn anwybyddu ei chynilion gan eu bod yn is na £10,000.

Gan fod Jackie yn cael Credyd Gwarantedig bydd yn cael Budd-dal Treth Cyngor llawn, a chymorth â phethau eraill fel costau deintyddol.

Mary a Frank

Mae Mary yn 71 a Frank yn 73 oed. Eu hincwm wythnosol yw £230.08 o:

Pensiwn sylfaenol y Wladwriaeth Mary	£107.45
Pensiwn sylfaenol y Wladwriaeth Frank	£64.40
Pensiwn personol Mary	£54.23
Cynilo ar y cyd o £12,000 (rydym yn cyfri pob £500 dros y terfyn £10,000 fel £1 o incwm)	£4. 00

Gan fod incwm Mary a Frank dros £217.90, ni allant gael Credyd Gwarantedig ond mae ganddynt hawl i Gredyd Cynilo. Bydd Mary a Frank yn cael Credyd Pensiwn o £18.86 yr wythnos, yn gwneud eu hincwm wythnosol yn £248.94.

Efallai bydd gan Mary a Frank hawl hefyd i help gyda chostau tai a Budd-dal Treth Cyngor.

Jack

Mae Jack yn 63 oed ac wedi rhoi'r gorau i weithio'n llawn amser ers wyth mis. Mae'n byw ar ei ben ei hun yn ei gartref ei hun ac yn ennill £85 yr wythnos o swydd ran amser.

Rydym ond yn cyfrif £80 fel incwm at ddibenion Credyd Pensiwn, gan ein bod yn anwybyddu £5 o enillion Jack. Nid oes gan Jack unrhyw incwm na chynilion eraill.

Caiff Jack Gredyd Gwarantedig, ond dim Credyd Cynilo gan ei fod ond yn 63.

Caiff Jack Gredyd Pensiwn o £62.70, yn gwneud ei gyfanswm incwm wythnosol yn £147.70.

16 Credyd Pensiwn

Louise

Mae Louise yn 75 oed, mae'n byw ar ei phen ei hun ac mae ganddi anabledl difrifol. Mae ganddi gynilion o £9,000 ac mae'n cael £184.90 yr wythnos o:

- Pensiwn sylfaenol y Wladwriaeth £107.45
- Lwfans Gweini £77.45

Rydym yn anwybyddu cynilion Louise gan eu bod yn llai na £10,000, ac rydym hefyd yn anwybyddu ei Lwfans Gweini wrth gyfrifo ei Chredyd Pensiwn.

Ni all Louise gael Credyd Cynilo oherwydd bod ei hincwm cymhwys (£107.45) yn is na man cychwyn y Credyd Cynilo o £111.80 i berson sengl. Nid yw ei Lwfans Gweini yn cyfrif.

Felly caiff Louise Credyd Pensiwn o £93.45 yr wythnos (yn cynnwys £58.20 ychwanegol yr wythnos oherwydd ei bod yn ddifrifol anabl). Mae hyn yn dod â'i chyfanswm incwm i £278.35.

Denis

Roedd Denis yn 60 oed ar 6 Chwefror 2012. Mae'n cael Cymhorthdal Incwm o £71.00 yr wythnos, a dim incwm arall. Bydd yn parhau i gael Cymhorthdal Incwm tan mae'n ddigon hen i gael Credyd Pensiwn ar 6 Ionawr 2014 pan fydd cyfanswm ei incwm wythnosol yn cynyddu i £142.70.

Sut rydwyf i'n cael fy arian?

Rydym yn talu Credyd Pensiwn yn uniongyrchol i mewn i'ch cyfrif. Dyma'r ffordd orau i'w gael oherwydd gallwch ddewis sut a pha bryd i gymryd eich arian allan o'ch cyfrif. Gall eich cyfrif fod gyda banc, cymdeithas adeiladu neu Swyddfa'r Post.

Sut ydwyf yn gwneud cais?

Os ydych yn cael budd-dal gan:

- Canolfan Byd Gwaith, neu
- Gwasanaeth Anabledd a Gofalwyr

Byddwn yn ysgrifennu atoch pan rydych yn agosáu at eich oedran Pensiwn y Wladwriaeth neu'r oedran y gallwch gael Credyd Pensiwn. Bydd y llythyr yn dweud wrthyhych beth rydych angen i'w wneud nesaf.

I unrhyw un arall y ffordd hawsaf yw gwneud cais dros y ffôn.



Ffôn: **0800 99 1234**

Ffôn testun: **0800 169 0133**

Dydd Llun i ddydd Gwener 8am i 8pm.

Mae galwadau am ddim o linellau daear BT, ond gallai cyfraddau cwmnïau eraill a ffonau symudol eraill amrywio. (Mae ffonau testun ar gyfer pobl gydag anawsterau lleferydd neu glyw)

Gallwn gael cyfieithydd i'ch helpu i wneud cais. Bydd ymgynghorydd a chyfieithydd yn eich ffonio'n ôl.

Gwybodaeth i'w gael yn barod

Bydd angen y wybodaeth ganlynol arnom i chi a'ch partner (os oes gennych un).

- Eich rhif **Yswiriant Gwladol**
- Eich **incwm** (fel ag unrhyw bensiwn a gewch gan gyn-gyflogwr, neu gynllun pensiwn personol, pha mor aml y caiff ei dalu)
- Cyfanswm eich **cynilion a buddsoddiadau** (gweler y rhestr ar dudalen 7). Byddwn yn gofyn i chi am y balans mwyaf diweddar mewn pob cyfrif banc, yn ogystal â manylion unrhyw fuddsoddiadau, fel cyfranddaliadau, bondiau premiwm neu dystysgrifau ymddiriedolaeth uned.
- Eich **costau tai** (fel llog morgais, cost gwasanaeth neu rent daear).

18 Credyd Pensiwn

Byddwn yn cymryd eich manylion a gadael i chi wybod beth fydd yn digwydd nesaf. Os byddai'n well gennych, gall ffrind neu aelod o'r teulu ffonio ni ar eich rhan.

Os yw gwneud cais dros y ffôn yn anodd i chi, mewn rhai amgylchiadau gallwn drefnu i rywun ymweld â chi.

Drwy lenwi ffurflen i mewn

Gallwch argraffu ffurflen gais o'r rhynggrwyd, yn



www.direct.gov.uk/credydpensiwn

Neu gallwn anfon ffurflen atoch drwy'r post. Ysgrifennwch atom gyda'ch enw a chyfeiriad yn:

FREEPOST RRKJ-AEKK-JRLB

The Pension Service

PO Box 16

Gateshead NE92 1BA

(Drwy ysgrifennu'r cod Rhadbost hwn ar yr amlen, nid ydych angen stamp).

Am ragor o wybodaeth

Am ymholiadau cyffredinol am bensiynau, cysylltwch â'r Gwasanaeth Pensiwn.



Ffôn: **0845 606 0265**

Ffôn testun: **0845 606 0285**

Dydd Llun i ddydd Gwener 8am i 8pm.

Os ydych yn byw yng Nghymru a byddai'n well gennych siarad Cymraeg, ffoniwch **0845 606 0275** (ffôn testun **0845 606 0295**).

Os nad Cymraeg na Saesneg yw eich iaith gyntaf, gallwch ddefnyddio eich cyfieithydd eich hun neu un a ddarperir gennym ni.

Efallai y byddwn yn recordio galwadau ar gyfer hyfforddiant a diogelwch.

Gallwch gael rhagor o wybodaeth hefyd o **Age UK** drwy gysylltu â'ch swyddfa leol. Mae eu manylion yn y llyfr ffôn.

Cost galwadau

Roedd y costau'n gywir ar y dyddiad ar gefn y daflen hon.

Mae galwadau i rifau **0800** am ddim o linellau daear BT ond efallai y bydd yn rhaid i chi dalu os byddwch yn defnyddio cwmni ffôn arall, ffôn symudol, neu os byddwch yn ffonio o dramor.

Ni ddylai galwadau i rifau **0845** o linellau daear BT gostio mwy na 5c y funud a 13c y funud am sefydlu'r alwad. Efallai y bydd yn rhaid i chi dalu mwy os byddwch yn defnyddio cwmni ffôn arall, ffôn symudol, neu os byddwch yn ffonio o dramor.

Gall galwadau o ffonau symudol gostio hyd at 40c y funud, felly holwch eich darparwr gwasanaeth am gost galwadau.

Gallwch ofyn i ni eich ffonio'n ôl os ydych yn pryderu am gost yr alwad.

Ffonau testun

Mae ein ffonau testun ar gyfer pobl na allant siarad na chlywed yn glir. Os nad oes gennych ffôn testun, gallech holi a oes gan eich llyfrgell neu Gyngor ar Bopeth un. Nid yw ffonau testun yn derbyn negeseuon testun o ffonau symudol.

Rydym bob amser yn edrych am ffyrdd i wella ein taflenni. Os oes gennych unrhyw sylwadau neu awgrymiadau ynglŷn â'r daflen hon, e-bostiwch ni yn: leaflet.feedback@dwp.gsi.gov.uk

Dim ond ar gyfer adborth taflen mae'r cyfeiriad e-bost hwn. Ni allwn ateb cwestiynau ynglŷn â'ch pensiwn neu fudd-dal.

Gwybodaeth bwysig am y daflen hon

Canllaw yn unig yw'r daflen hon ac nid yw'n cwmpasu pob amgylchiad. Rydym wedi gwneud ein gorau i sicrhau bod y daflen yn gywir ym mis Ebrill 2012. Mae'n bosibl bod rhywfaint o'r wybodaeth wedi'i gorsymleiddio neu y daw'n anghywir dros amser, er enghraifft oherwydd newidiadau i'r gyfraith.

Mae'r wybodaeth hon ar gael mewn fformatau eraill os gofynnir amdano.



Ffôn **0845 731 3233**
Ffôn testun **0845 604 0210**

Mae rhagor o wybodaeth gan yr Adran Gwaith a Phensiynau ynglŷn â budd-daliadau a phensiynau wedi eu cyhoeddi ar-lein.



Am wybodaeth budd-daliadau ewch i
www.direct.gov.uk/budd-daliadau



Am wybodaeth pensiynau ewch i
www.direct.gov.uk/pensiynau

Rydym yn anelu i roi gwasanaeth o ansawdd uchel i'n holl gwsmeriaid. Gallwch gael gwybod rhagor yn ein siarter cwsmer yn **www.direct.gov.uk/dwpcharter**

Cod blaenorol: PC1LW

(H)Hawlfraint y Goron

ISBN: 978-1-84947-939-4

DWP027W | f1.0 (Ebrill 2012)